

կտոր եւ նրա վրայ դրած էր հաց, պանիր, սոխ եւ անլի ոչինչ: Տղերքը բլուրել էին այդ նահապետական սեղանի շուրջը, ամէն մէկը իր վերարկուն օթոցի փոխարէն իր տակը ձգած ունենալով: Խորովածը հրացանի սումբաներից, – որ շամփուրի տեղ էին գործածում, – տաք-տաք քաշում էին լաւաշների վրայ եւ այնպէս արհւնաթաթախ ուտում էին: Մի կողմում թաւալած էր մի ահագին եղջերու, որից յօշոտում էին խորովածացու միսը: Նրա մօտ պառկած էր գինով լիքը տկճորը: Գաւաթի տեղ գործ էին անում մի մեծ դրումի կտրած կէսը, որի ներսոյքը դուրս էին տոած: Նոյն գաւաթից ամենքը խմում էին հերթով:

– Ինձ մօտ, Ֆարհատ, – ասաց Կարօն:

Ես նստեցի նրա մօտ: Այն օրոյս բլուր անցքերը, սկսեալ հայր Թողիկի բանտից մինչեւ խորհրդաւոր մինարեթը, իրանց ուրախ եւ տխուր տպաւորութիւններով մինչ այն աստիճան գրգռել էին իմ ջղերը, որ ես ամենեւին ախորժակ չունէի մի բան ուտելու, թէեւ ամբողջ օրը քաղցած էի մնացել: Տասն եւ երկու բլուրակ տարիներից յետոյ, սիրելի ընկերներիս հետ կրկին հանդիպելը թէեւ շատ ուրախալի է ինձ, – բայց այն օրից երբ նրանք անյայտացան, այնքան անհաւատալի գրոյցներ լսած էի նրանց մասին, որ բլուրովին չէի կարողանում ցրտել հին նախապաշարմունքը: Այդ մանկահասակ, ծպտեալ, կերպարանափոխ եղած փախստականները երեւում էին ինձ կասկածաւոր մարդիկ, մանաւանդ երբ նկատում էի, որ նրանք եւս ոչ բլուրովին հաւատարմութեամբ վերաբերում էին դէպ ինձ: Ես տեսնում էի նրանց մէջ մի առանձին ծածկամտութիւն, խիստ զգուշաւոր խորհրդապահութիւն, որպէս թէ մի բանից քաշւում էին կամ վախենում էին: Ինչո՞ւ չէին կարող անկեղծ լինել ինձ հետ: Ինչ՞ն էր ստիպում նրանց, որ վերադառնալով հեռաւոր երկրներից, փոխանակ իրանց բարեկամների եւ ազգականների մօտ գնալու, նրանք ընտրել էին այդ անմարդաբնակ աներակները: Չէ՞ որ քաղաքը շատ հեռու չէր այնտեղից, այն քաղաքը, ուր նրանք ծնուել էին, ուր մի քանիսի ծնողները դեռ կենդանի էին: Ինչո՞ւ չուրախացնել կարօտալի ծնողներին, մանաւանդ զատկական մեծ տօսի ժամանակ, երբ հայրը, մայրը, գրկելով նրանց, «Քրիստոս յարեաւ ի մեռելոցե»-ի փոխարէն պիտի ասէին. – «մեր որդին կորած էր, գտնուեցաւ. մեր որդին մեռած էր, կենդանացաւ»...

Իմ մտատանջութիւնը, իմ նոյն ժամուն տխրամած դէմքը չէր կարող աննշմարելի մնալ ընկերներիցս, մանաւանդ Սագօյի արծոի տեսութիւնից, որ դարձաւ դէպ ինձ այս խօսքերով.

– Կե՛ր, սիրտդ բաց արա՛, ի՞նչ ես ռէխդ թթոացրել ձմեռոյս երկնքի պէս: Չլինի՞ թէ մտածում ես, հիմա մայրս սպասում կը լինի ինձ, հիմա նա